

Qarasaasiakkuunngitsumik eqquinaatitsisarneq pillugu nalunaarut

Pinnguaatit pillugit inatsimmi nr. 848, 1. juli 2010-meersumi § 11, imm. 4, § 36, imm. 2, § 41, imm. 1 aamma § 60 aamma pinnguaatit aalajangersimasut pillugit Kalaallit Nunaanni inatsimmi nr. 223, 22. marts 2011-meersumi § 17, imm. 2, § 19 aamma § 46 malillugit aalajangersarneqarpoq:

Kapitali 1

Atuuffia

§ 1. Nalunaarut qarasaasiakkuunngitsumik eqquinaatitsisarnernut atorneqarpoq, tak. pinnguaatit pillugit inatsimmi § 11 aamma pinnguaatit aalajangersimasut pillugu Kalaallit Nunaanni inatsimmi § 7.

Imm. 2. Pinnguaatit pillugit inatsimmi § 42, imm. 5 aamma pinnguaatit aalajangersimasut pillugit Kalaallit Nunaanni inatsimmi § 8, imm. 1-imi taaneqartutut eqquinaatitsisarnernut neqeroorutitut akuersissutit nalunaarummut ilaatinneqanngillat.

Kapitali 2

Aningaasanoortumut paasissutissiineq

§ 2. Paasissutissat tamarmik, akuersissummik piginnittup pinnguaatit pillugit inatsimmi imaluunniit pinnguaatit aalajangersimasut pillugit Kalaallit Nunaanni inatsimmi aalajangersarneqarsimasut malillugit aningaasanoortumut periarfissiinissamut pisussaaffiusut akuersissummik piginnittup nittartagaani danskisut allaqqasut pissarsiarineqarsinnaassapput. Aningaasanoortup aamma akuersissummik piginnittup akornanni attaveqatigiinnerit tamarmik danskisut ingerlanneqassapput.

Imm. 2. Akuersissummik piginnittoq, Kalaallit Nunaanni pinnguaatinik neqerooruteqarnissamut akuersissuteqartoq, imm. 1-imi eqqaaneqartutut paasissutissat danskisut kalaallisullu saqqummiutissavai.

§ 3. Tunitsivimmi:

- 1) Takuneqarsinnaassaaq inuit 18-it inorlugit ukiullit pinnguaatini peqataanissaat akuerisaanngitsoq.
- 2) Akisussaassuseqartumik pinnguarneq aamma pinnguarnerup ajoqusiisinaanera pillugu paasissutissiisoqassaaq. Paasissutissat katsorsaavik suleqatigalugu suliarineqarsimassapput.
- 3) Danmarkimi katsorsaaviit pillugit paasissutissat attaviginissaannullu najukkat paasissutissiissutigineqassapput.

Imm. 2. Imm. 1-imi paasissutissat tunitsivimmi saqqumisumi inissinneqarsimassapput.

Imm. 3. Akuersissummik piginnittoq, Kalaallit Nunaanni pinnguaatinik neqerooruteqarnissamut akuersissuteqartoq, imm. 1-imi eqqaaneqartutut paasissutissat danskisut kalaallisullu paasissutissiissutigissavai aamma kalaallit nunaanni katsorsaaviit attaviginissaannut najugaq pillugu paasissutissiissalluni.

§ 4. Tunitsivimmi takuneqarsinnaassaaq akuersissummik piginnittoq Spillemyndighedimiit akuersissummik pigisaqarlunilu nakkutigineqartuusoq.

§ 5. Aningaasanoortartunut utaqqiisaasumik imaluunnit inaarutaasumik pinnguaatini ilaanissamut nammineq ilaajunnaartissimasunut nittassarutinik nassiussinnginnissamut aaqqiinernik akuersissummik piginnittoq aaqqiisuuteqassaaq.

Kapitali 3

Bonus

§ 6. Akuersissummik piginnittup pinnguaatini peqataanissamut aningaasanoortartumut bonusinik neqerooruteqarpat piumasaqaatit tamarmik erseqqissumik paatsuugassaannngitsumillu neqeroorummut atatillugit paasissutissiissutigineqassapput. Aningaasanoortumut bonusinik tunniussineq piumasaqaatit naammassineqarsimappata ingerlaanaq tunniunneqassapput.

Imm. 2. Bonusit piumasaqaatit aningaasanoortunut allanut neqeroorutiniit allaanerusut aningaasanoortunut ataasiakkaanut tunniunneqassanngillat.

Imm. 3. Bonusip tunniunneqarnissaanut atasut piumasaqaatit naammassineqarnissaannut aningaasanoortoq sivikinnerpaamik ullunik 60-inik periarfissinneqassaaq.

Kapitali 4

Isumaqatigiissuteqarluni aningaasanoorneq il.il.

§ 7. Eqquiniaatitsinerni isumaqatigiissuteqarluni aningaasanoorsinnaanerop annikillisinnissaanut tulluurtunik akuersissummik piginnittoq aaqqiissuteqassaaq aamma isumaqatigiissuteqarluni aningaasanoornissaq pillugu tunngaveqartumik pasitsaassinermi eqquiniaatitsinerni aningaasaliissutinik tigusinissaq itigartissallugu.

§ 8. Akuersissummik piginnittoq inuusuttunut 18-it inorlugit naatsorsuutigineqartunut timersornikkut pisuni eqquiniaatitsinernik neqeroruteqassanngilaq.

Kapitali 5

Pinnguaatini aaqqiissuussinerit

§ 9. Akuersissummik piginnittup nakkutilliinermik aaqqissuussinernut aamma pinnguaatit aaqqissugaaneritut teknikkikkut piumasaqaatit ilanngussaq 1-imiittut eqqortissavai.

§ 10. Pinnguaatit aaqqissugaaneri, tassani paasineqarluni qarasaasiaqarnikkut atortut, internettikut aningaasanoortarfik pillugu neqeroorummi atorpeqartut, tak. ilanngussaq 1, nunami maani inissisimassapput.

Imm. 2. Imm. 1-imi piumasaqaatip saneqqunneqarsinnaanera Spillemyndighedip akuerisinnaavaa, akuersissummik piginnittoq:

- 1) nunami allami pinnguaatinik neqerooruteqarsinnaanermut akuersissuteqarpat, tassani pisortani oqartussat akuersissummik piginnittup pinnguaatini neqeroorutaanut nakkutilliisuullutik, nakkutilliinermilu oqartussat taakku akuersissummik piginnittup pinnguaatinik nunami maani neqeroorutaanik nakkutilliinissaq pillugu Spillemyndighedimik isumaqatigiissuteqarsimappat, imaluunniit
- 2) ungasianiit isersinnaaneq assigisaaluunniit iluaqutigalugit pinnguaatit aaqqissugaaneritik aarlerinangitsumik nakkutilliinissamut Spillemyndighedimut periarfissiisimappat.

§ 11. Akuersissummik piginnittup pinnguaatinik aaqqissuussinera, suleriaasia niuernikkullu ingerlatsinera suliffeqarfimmik misissuisussatut piginnaatitaasumit akuerisaallutik allagartalerneqassapput, eqquiniaatitsisarnissamut neqeroorutit atorpeqalernissaat sioqqullugu. Allagartaliinermut piumasaqaatinik Spillemyndighedi aalajangersaasinnaavoq.

Imm. 2. Spillemyndighedi suliffeqarfik misissuisussatut qanoq piginnaatitaanissaanut piumasaqaatinik aalajangersaasinnaavoq.

§ 12. Pinnguaatinut aaqqissuussineq akuerisaalluni allagartalerneqarpat Spillemyndighedi qaqugukkulluunniit aaqqissuussinernik annertunerusumik misileraasinnaanissamut, uppernarsaanissamut allagartaliinissamullu akuersissummik piginnittumut peqquisinnaavoq.

§ 13. Akuersissummik piginnittoq pinnguaatinik aaqqissuussinermi eqquiniaatitsisarnermut neqeroorut pillugu nalunaarsukkanik tamanik sivikinnerpaamik ukiuni tallimani toqqortaqaassaaq.

Kapitali 6

Naammagittaalliuutit

§ 14. Akuersissummik piginnittup pinnguaatinik akuersissummik piginnittup neqeroorutaanut tunngasunik aningaasanoortartuniit naammagittaalliuutit suliarissavai. Naammagittaalliuut aningaasanoortartup kinaassusianik kiisalu pissutsit naammagittaalliuutigineqartut pillugit tunngavilersuutit pillugit paasissutissanik imaqaassaaq. Piumasaqaatit naammassineqarsimangippata naammagittaalliuut itigartinneqarsinnaavoq.

Imm. 2. Akuersissummik piginnittup sapinngisamik piaarnerpaamik naammagittaalliuut suliarissavaa. Ullut 14-it iluanni naammagittaalliuut suliarineqarsimangippat suliami qaqugu

aalajangiisoqarsinnaanera pillugu akuersissummik piginnittoq aningaasanoortartumut ilisimatitsissaaq.

Imm. 3. Akuersissummik piginnittup suliani naammagittaalliutinu ilaasut allagaatit sivikinnerpaamik ukiuni marlunni toqqortarissavai, tassunga ilanngullugit aamma naammagittaalliutini itigartinneqarsimasuni allagaatit. Piumasaqartoqarneratigut taakku Spillemyndighedimut nassiunneqassapput.

Kapitali 7

Nakkutilliineq

§ 15. Nalunaarutip matuma eqqortinneqarneranik Spillemyndighedi nakkutilliissaaq, tak. pinnguaatit pillugit inatsimmi kapitali 9 aamma pinnguaatit aalajangersimasut pillugit Kalaallit Nunaanni inatsimmi kapitali 6.

Kapitali 8

Pineqaatissiineq

§ 16. Inatsit alla malillugu pissuteqartumik qaffasinnerusumik pineqaatissiisoqanngippat §§ 2-6, §§ 8-10, § 11 imm. 1 oqaaseqatigiinnik siullernik, § 12, § 13 aamma § 14, imm. 1, oqaaseqatigiinnik siullernik aamma imm. 3-mik piaaraluni imaluunnit ingasattumik mianersuaattumik unioqqutitsinerit akiliinermik pineqaatissiissutaasinnaapput.

Imm. 2. Pillaasarnermik inatsimmi kapitali 5-imi maleruagassat malillugit ingerlatseqatigiiffiit il.il. (inatsisitigut pisinnaatitaasut pisussaaffeqartullu) pineqaatissinneqarnermi akisussaatinneqarsinnaapput.

Kapitali 9

Atuulernera

§ 17. Nalunaarut ulloq 1. februar 2012-imi atulersinneqarpoq.

Akilerartarnermut ministeriaqarfik, ulloq 25. januar 2012.

THOR MÖGER PEDERSEN

/Tina Olsen

Akuersissummik piginnittunut teknikkikkut piumasaqaatit

A. Aallarniut

Allakkiami matumani akuersissummik piginnittup naammassisassai teknikkikkut piumasaqaatit allaaserineqarput, tassunga ilanngullugit nakkutilliineq pillugu nalunaarsukkanut tunngavigineqartut qulakkeerneqarneri kiisalu iserfigineqarsinnaaneq, suliffiup iluani nakkutilliineq, suleriaatsit aaqqissugaanerlu pillugit piumasaqaatit.

B. Naalisaanerit nassuiaatillu

SAFE: Nalunaarsukkanut toqqorsivik akuersissummik piginnittup aningaasanoornermi nalunaarsukkanik toqqorsivissatut pilersitassaa, nakkutilliineri atugassatut Spillemyndighedimit piumasaqaatigineqartoq.

RNG: Random Number Generator (nalaatsortuunerlut generatori)

Aningaasanoornermi

aaqqissuussineq: Qarasaasiakkuunngitsumik eqquiniaatitsineri neqeroorutitut ingerlatsinerimullu akuersissummik piginnittumit imaluunniit taanna sinnerlugu atorineqartut elektronikkut imaluunniit allat atortut, tassunga ilanngullugit atortut:

1. aningaasanoornermi inuup peqataaneranut tunngasunik paasissutissanik toqqorsineri atortut, tassunga ilanngullugit oqaluttuarisaanerim nalunaarsukkat aamma inernerit pillugit paasissutissat,
2. aningaasanoortumut pinnguaatinik saqqummersitsisut aamma/imaluunniit ilisaritsisut, imaluunniit
3. aningaasanoornerup inerneranik aalajangersaasoq, imaluunniit aningaasanoortup pinnguaammi eqquineranik imaluunniit annasaqarneranik naatsorsuisoq.

SAFE aningaasanoornermi aaqqissuussinernut immikkoortutut ilaanngilaq.

FTPS: File Transfer Protocol SSL.

SSL: Secure Sockets Layer.

XSD: XML Standard Definition.

XML: Extensible Markup Language.

C. Pinnguaatinik nakkutilliineri atugassaq aaqqissuussinerit ataatsimoortut tamarmiusut

Aaqqissuussinerit ataatsimoortut tamarmiusut tassaapput akuersissummik piginnittup pinnguaatinik aaqqissuussinera, akuersissummik piginnittup nalunaarsukkanik toqqorsivia (SAFE), aammalu isumannaallisaanermik aaqqissuussineq (Tamper Token).

1. **SAFE** tassaavoq akuersissummik piginnittup nammineq nalunaarsukkanut toqqorsivia, - Standard Records malillugu – pinnguaatinut tamanut akuersissummik piginnittumi ingerlanneqartunut aningaasanoornermi nalunaarsukkanik akuersissummik piginnittup toqqorsivissaa. Akuersissummik piginnittut tamarmik nalunaarsukkanik toqqorsivimmik (SAFE) pilersitsissapput. Spillemyndighedi akuersissummik piginnittumi nalunaarsukkanik toqqorsivimmut internettikkut toqqaannartumik isersinnaassaaq.

2. **Tamper Token.** Tamper Tokenimut atorneqartussamik isumannaallisaanermi aaqqissuussinermik Spillemyndighedi atulersitsissaaq. Tamper Tokenip siunertaraa aningaasanoornermi nalunaarsukkat, akuersissummik piginnittup SAFE-mi Standard Recordsit toqqorsimasai, taakku SAFE-miinnerini allanngortinnginnissaanik qulakkeerinissaaq. Aalajangersimasumik naliliisoqarneratigut akulikissusissaa iluarsineqarsinnaavoq. Aningaasanoornermi nalunaarsukkat toqqorneqarsimasat tokenitut atorneqartut aallaavigalugit kinaassutsimik ilisarnaammik pilersitsinissamut Spillemyndighedip piumasaqaataanik malinnittumik akuersissummik piginnittoq atulersitsissaaq. Kinaassutsimut ilisarnaat tokenip pineqartup naanissaa sioqqullugu Spillemyndighedimut nalunaarutigineqassaaq. Akuersissummik piginnittup Tamper Tokenimik attaveqarnera webservices aqutugalugu ingerlanneqassaaq. Spillemyndighedimi Tamper Tokenip uku passutissavai:

- Kinaassutsimut ilasarnaatip naatsorsornerani atugassamik matuersaatinik (token) pilersitsineq.
- Kinaassutsimut ilisarnaatinik kingusinnerusukkut misissorneqartussanik toqqorsineq.
- Tokenip eqqortinneqarnerata naammassineqarneranut piffissaliussap ingerlaavartumik nakkutiginera.
- Aningaasanoornermi nalunaarsukkanik aallertarnernik uppernarsaanerit kinaassutsimut ilisarnaammut tiguneqartumut naleqqiullugu allanngortinneqarsimannginera.

Tokenimik nutaamik atulersitsinermut atatillugu tokenip allanngortinneqartup akulikissusianik akuersissummik piginnittup passussisinaanera piumasaqaataavoq.

D. Aningaasanoornermi nalunaarsukkanut piumasaqaatit (Standard Records)

Akuersissummik piginnittup aningaasanoornermi nalunaarsukkat SAFE XML- filini toqqussavai Spillemyndighedip tamanut saqqummiussinera malillugu akulikitsigisumik.

Imatut immikkoortitsisoqarpoq:

- EndOfDay
- Puljespil
- FastOdds
- Managerspil
- Jackpot

Pinnguaatinut assigiinngitsunut qulaani immikkoortitsinerit avataaniittunut aningaasanoornermi nalunaarsukkat qanoq SAFE-mi toqqorneqarnissaat pillugu Spillemyndighedi isumaqatigiissuteqarfigineqassaaq. Tamanna pinnguaatinik neqerooruteqarnissaaq sioqqullugu naammassineqassaaq.

Aningaasanoornermi nalunaarsukkat qanoq iluseqartillugit SAFE-mut nassiunneqarnissaannik teknikkikkut allaaserinninneq (Standard Records) pillugu Spillemyndighedi tamanut saqqummiussissaaq. Teknikkikkut allaaserinninnermiippat taaguutit aamma immikkoortut nassuiaatai. Allaaserinninnermut ilaappat XSD-filit, ilusai aningaasanoornermi nalunaarsukkat SAFE-mi toqqorneqarnerini eqqortinneqassallutik.

E. SAFE-mut piumasaqaatit

E. 1 Akuersissummik piginnittup nalunaarsukkanik toqqorsivia

Akuersissummik piginnittoq aningaasanoornermi nalunaarsukkanik toqqorsinissamut nalunaarsukkanik toqqorsivimmik (SAFE) pilersitsissaaq.

Akuersissummik piginnittup Standard Records malillugu aningaasanoornermi nalunaarsukkat nalunaarsukkanik toqqorsivimmut nuullugit toqqorsimassavai. Akuersissummik piginnittoq aningaasanoornermi nalunaarsukkat SAFE-mi qaammatinut kingullernut 12-inut toqqorsimassavai kiisalu aningaasanoornermi nalunaarsukkat digitalikkut atuarneqarsinnaasumi toqqorsivimmi suli qaammatini 48-ni toqqorsimassallugit.

Akuersissummik piginnittup aamma Spillemyndighedip nakkutilliiviata akornanni nalunaarsukkanik nuussineq internettikkut FTPS atorlugu ingerlanneqassaaq minnerpaamik 8 Mbit/s-imik sukkassuseqartumi. Akuersissummik piginnittup aningaasanoornermi nalunaarsukkanik ajornartorsiutitaqanngitsumik tulluartumik nuussinissamut atassummik qulakkeerissaaq.

E. 1.1 SAFE-mut teknikkikkut piumasaqaatit

- SAFE serverimi immikkoortumi pilersinneqassaaq, akuersissummik piginnittup pinnguaatinut aqqissuussaanit immikkoortinneqartoq.
- SAFE-imi aningaasanoornermi nalunaarsukkat nalunaarsukkanit allanit naleqquttumik illersorneqarsinnaasumillu avissaartinneqarsimassapput.
- Aningaasanoornermi nalunaarsukkat tamarmik pisariaqartumik isumannaallisaanermi immiussimanissaat akuersissummik piginnittup isumagissuaa. SAFE aamma SAFE-p isumannaallisaanermi immiunneqarnera inissisimaffimmini avissaarsimassapput. Aammattaaq digitalikkut atuarneqarsinnaasumi toqqorsivimmi nalunaarsukkanik toqqorsineq taakkuninnga isumannaallisaanermi immiussanit inissisimaffimmikkut avissaarsimassallutik.
- SAFE-p, nalunaarsukkanik toqqorsivittut atorneqalertinnani, qarasaasiakkuunngitsumik eqquiniaatitsisarneq pillugu nalunaarut malillugu akuersissummik piginnittup pinnguaatinik aqqissuussaatut minnerpaamik taamaaqataanik qaffasitsigisumik qarasaasiatigut isumannaallisaanermi piumasaqaatit naammassisimassavai.
- Spillemyndighedip SAFE-miit aningaasanoornermi nalunaarsukkanik qarasaasiakkuut aallersinnaanera akuersissummik piginnittup qulakkiissavaa.
- Isumannaatsumik iserfissakkut (FTPS) SAFE-mut isernissamut akuersissummik piginnittoq pilersitsissaaq.
- SAFE-mi mappit aqqissugaaneri Spillemyndighedip immikkoortitigaatut aqqissuussineq malillugu aqqissuunneqassapput, tak. immikkoortoq E. 3 “SAFE-mi mappit aqqissugaanerat aamma Standard Recordsip atilernerat”.

- SAFE-mi aningaasanoornermi nalunaarsukkat Standard Recordsimi immikkoortiterinerit malillugit toqqorsimaneqassapput, tak. immikkoortoq D “Aningaasanoornermi nalunaarsukkanut piumasaqaatit (Standard Records)”.
- Akuersissummik piginnittup SAFE-p piumasaqaatinik allanneqartunik eqqortitsinera uppersarsassavaa.
- SAFE pillugu ingerlatsinermut uppersarsaammik akuersissummik piginnittoq suliaqassaaq, tassunga ilanngullugit ingerlatsiffiusut pisariaqartut pillugit uppersarsaatit, ingerlatsinermi suleriaatsit, sillimaniarnermik aqqissuussineq aamma kukkunernik passussineq.
- Uppersarsaanerit tamarmik danskisuunngorlugit tunniunneqassapput. Taamaattorli nalinginnaasumik pissutsinik teknikkikkut immikkoortiterinerit tuluttuunngorlugit tunniunneqarsinnaapput.
- Uppersarsaanerit apeqquaqartoqarneratigut Spillemyndighedimut kinguarsarneqanngitsumik aamma ullunik suliffiusunik marlunnik sivilunerunngitsumik elektronikkut pissarsiarineqarsinnaasunngortinneqassapput (assersuutigalugu mailikkut, USB-stik, CD-rom, DVD).
- Uppersarsaanerit tamarmik Spillemyndighedimit passunneqarsinnaasunngorlugit iluseqartillugit tunniunneqassapput, aamma Microsoft Office-mi imaluunni Adobe Readerimi atuarneqarsinnaallutik.
- Uppersarsaaneq ingerlaavartumik nutarterneqartassaaq minnerpaamillu saqqummersitsinerni tamani. Saqqummersitsinerni tamani saqqummersitsinermut tunngavigineqartunik allaasserinnittoq uppersarsaat nutartigaasoq ilaatinneqartassaaq.
- SAFEp qaammatikkaartumik pissarsiarineqarsinnaanera:

Pissarsiarineqarsinnaanera	98,50 pct.
Ajutoortoqarnera piffissaq qisuariarfiusoq	Nalunaaquttap akunnerata ataatsip iluani, ataasinngorneq – tallimannorneq, piffissami 08.00 – 17.00 (danskit nalunaaqutaat malillugu).

Piffissaq akissuteqarfissaq	Isernermut agguaqatigiissillugu piffissaq akissuteqarfiusussaq 10 sekundinit sivikinnerussaaq
-----------------------------	---

- SAFE-mi kiffartuussinermi igalaat:

Igalaap suunera	Kiffartuussinermi igalaaq	sivissusaa	Kalerrineq – kiffartuussinermi igalaamik iluaquteqarneq
Standard changes, patchning, il.il.	Ulloq unnuarlu ataasiarluni piffissami ataasinngorneq – tallimannorneq nal. 17.00 – 06.00 aamma arfininngorneq sapaallu nl. 00.00 – 23.59	120 min	Ulluni suliffiusuni tallimanik kalerrineq

Nutarterinerit annertunerusut	Qaammammut 0-4 piffissami arfininngorneq 00:00 – ataasinngorneq 05:00	20 tiimit	Ulluni suliffiusuni qulinik kalerriineq
Avatangiisinik, sananeqaatinik kiffartuussinernillu allanngineq	Ukiumut sisamariarluni piffissami arfininngorneq 00:00 – ataasinngorneq 05:00	24 tiimit	Ulluni suliffiusuni 15-ini kalerriineq
Isornartunik tuaviortumik nutarterineq	isumaqatigiissuti-gineqassaaq	Isumaqatigiissuti-gineqassaaq	Suliap aallartinnissaa sioqqullugu

- Ajutoornerit (pisut):

Ajutoornerup suunera:	Piffissap uuma iluani aaqqinneqassaaq
Ajutoornerit 95,5 pct.-ii ataani allassimasut iluanni aaqqinneqartarput. Qaammammut uuttorneqartut. Ajutoornertut allanut piffissamik immikkut isumaqatigiittoqassaaq.	
Tuaviortut (matusisut) Akunnattut (sulinermi nalaatsortut pisarput) Nalinginnaasut (tulluanngitsut, minnerusumik suliaqarnissamik pisariaqartitsisut)	6 tiimit Ullut suliffiusut marluk Ullut suliffiusut sisamat

Akuersissummik piginnittup ajutoornerit Spillemyndighedip ajutoorutininik nalunaaruteqartarfianut nalunaarutigissavai. Tamanna pillugu piumasaqaatit paasissutissiinerillu Spillemyndighedip nittartagaani tamanut saqqummiunneqarumaarput.

- Akuersissummik piginnittoq SAFE-p ingerlanneqarneranut akisussaavoq.
- SAFE iserfigineqarsinnaangippat, aningaasanoornermi nalunaarsukkat katersorneqassapput aamma SAFE-mi toqqorneqarlutik piffissap iserfiusinnaangitsup naanerata kingorna.

E. 2. Pinnguaatinik aaqqissuussinermit SAFE-mut aningaasanoornermi nalunaarsukkanik nuussineq

Akuersissummik piginnittoq Standard Records naapertorlugu aningaasanoornermi nalunaarsukkanik SAFE-mut nuussillunilu toqqorsissaaq (nalunaarsukkat aaqqissugaanerit tunngasut paasissutissat). Nalunaarsukkanik nuussinerup taassuma qulakkeerqarnissaa akuersissummik piginnittup akisussaaffigaa.

Nakkutilliinermi atugassanik Safe-miit Spillemyndighedip nammineq nalunaarsukkanik toqqorsivanut pisariaqartitsineq malillugu Spillemyndighedi aningaasanoornermi nalunaarsukkanik nassiussisinnaassaaq. Nuussineq ingerlanneqassaaq FTPS-imik internettikkut, aamma nalunaarsukkat tatiginartueneri Tamper Token atorlugu misissorneqassallutik.

E. 3 SAFE-mi mappit aaqqissugaaneri aamma Standard Recordsimi taaguusersuineq

Akuersissummik piginnittoq SAFE-mi mappit aaqqissuutissavai aamma aaqqissugaanerit uku aallaavigalugit Standard Records taaguusersussallugu:

Qaffasissuseq 1: Mapiit avalliit atilerneqassapput “Pertiterneqarsinnaasumik aaqqissugaasut-pinnuaatinik aaqqissuussineq”.

Qaffasissuseq 2: Mappi taaguuteqassaaq “Zip”.

Qaffasissuseq 3: Tassani ullunut tamanut mappinik pilersitsisoqassaaq, ullui malillugit taaguuserneqartussat YYYY-MM-DD.

Qaffasissuseq 4: Tassani zip-filit inissinneqassapput, tamarmik immikkut tokenimut atassuteqartut. Aammattaaq tokeninut suli matuneqanngitsunut mappeqassaaq. Mappi suli matuneqanngitsoq, taaguuserneqassaaq "SpilCertifikationIdentifikation-TamperTokenID", mappinik taaguuserneqartunik “SpilCertifikationIdentifikation-TamperTokenID.zip” imaqartoq. SpilCertifikationIdentifikation tassaavoq akuersissummik piginnittoq pillugu kinaassutsimik ilisarnaat immikkuullarissuq, Spillemyndighedimit tunniunneqartoq. TamperTokenID tassaavoq Tamper Tokenit ataasiakkaat kinaassusiinut ilisarnaat immikkuullarissuq.

Qaffasissuseq 5: Zip-filit ataasiakkaat tamarmik imaanut naapertuuttunik mappinik pilersitsisoqassaaq. Taakku taaguuteqassapput assersuutigalugu “EndOfDay”, “FastOdds”, “Jackpot”, “Puljespil” aamma “Managerspil”.

Qaffasissuseq 6: Ullunut attuumassuteqartunut mappinik pilersitsisoqassaaq, ullui malillugit taaguuserneqartut imatut YYYY-MM-DD. Standard Recordsit ataasiakkaat qaffasissusermi tassani imaluunnit qaffasissuseq 7-imi inissinneqassapput, filip piffissami pilersinneqarfiani pertitikkami inissinneqarlutik.

Qaffasissuseq 7: [Qinerneqarsinnaasooq] Piffissakkaartumik mappit ataaniittussanik inissiisoqarsinnaavoq imatut iluseqartunik HH. MM-H1-1.MM

Puljispilimi filit eqquiniaatitsinerit inissisimaffianni mappimi inissinneqassapput.

Pinnuaatinut assigiinngitsunut allanut naleqqiullugu filit pertiterfimmi

naammassineqarfissatut naatsorsuutigisami inissinneqassapput.

Mappinik aamma Standard Recordsinik taaguusersuineq Spillemyndighedip immikkoortiterinera malissavaa.

Aningaasanoornermi nalunaarsukkat mappit aaqqissugaaneranni ingerlaavartumik matuneqartassapput, Tamper Tokenimi matuersaatinut ataasiakkaanut tamanut zip-filimik pilersitsisoqassalluni. Zip-fili ataasiakkaat tamarmik aningaasanoornermi nalunaarsukkanik Tamper Tokenimi matuersaammut atasumut poortorneqartunik imaqassapput.

F. Akuersissummut piunasaqaatit eqqortinneqarnerannik ingerlaavartumik nakkutilliineq

F. 1 Aningaasanoornermi nalunaarsukkanik pissarsiumaneq

Akuersissummik piginnittoq piunaffigineqarnermigut digitalikkut atuarneqarsinnaasumi toqqorsivimmiit aningaasanoornermi nalunaarsukkanik toqqorneqarsimasunik, tak. immikkoortoq E.1, ullut suliffiusut tallimat iluanni Spillemyndighedimut tunniussisinnaassaaq.

F. 2 Paasissutissanik allanik pissarsiumaneq

Immikkoortoq E. 1-imi eqqaaneqartut aningaasanoornermi nalunaarsukkat saniatigut akuersissummik piginnittoq nammineq pinnuaatinut aaqqissuussaminiit immaqalu tassunga atasunik aaqqissuussinerniit paasissutissanik pilersitsisinnaassaaq, tassunga ilanngullugit:

- Aningaasanoornermi kontot pillugit paasissutissat.

- Kisitsisitigut paasissutissani paasissutissat.
- Akuersissummik piginnittup pinnguaatini aaqqissuussaani piviusumik nalunaarsorsimasut naqitanngortinneri.

Paasissutissat taakku ullut suliffiusut tallimat qaangiutsinnagit Spillemyndighedimut tunniunneqassapput.

G. Akuersissummik piginnittup nakkutilliinera, suleriaasia aaqqissugaaneralu pillugu piunasaqaatit

Akuersissummik piginnittumit taassumalu suleqatigisaani nalunaarummi piunasaqaatit atuuttut eqqortittuarneri pillugit akuersissummik piginnittoq nakkutilliinernik piareersaalluni, uppersaalluni ingerlaavartumik nakkutilliinernik ingerlataqassaaq. Taakku minnerpaamik tassaassapput:

- Sulisunik aqutsisunillu ingerlanneqartut ulluinnarni nakkutilliinerit (sapinngisamik suleriaatsini aaqqissuussinernilu ilanngunneqarsimasut)
- Piffissakkaartumik kiisalu misiligutaasumik pitsaassutsinik misissuineq.
- Piunasaqaatit atuuttut eqqortinneqarnersut uppersarsarniarlugit naammaginnartumik qaffasissuseqarnissaq anguniarlugu tamanna pisariaqartinneqaleraangat avataaniit pitsaassutsinik misissuineq.
- Nakkutilliinermi angusanik suliaqarneq toqqorsinerlu.
- Kukkunerit imaluunniit unioqqutitsinernik paasisaqarnermi kiisalu akuersissummik piginnittumi namminermi aamma/imaluunniit taassuma suleqatigisaani kukkunerit imaluunniit unioqqutitsinerit pillugit pasitsaassaqarnermi ingerlaannartumik Spillemyndighedimut nalunaaruteqarneq. Nalunaaruteqarnermut ilaassapput kukkunerit imaluunniit unioqqutitsinermi kingunerisinnaasanik akuersissummik piginnittup naliliinera.

Akuersissummik piginnittumit taassumalu suleqatigisaani nalunaarummi piunasaqaatit atuuttut eqqortittuarnerinik tapersersuisumik qulakkeerisumillu akuersissummik piginnittoq nakkutilliinernik piareersaanermut, uppersaanermut suleriaatsinillu tulluurtunik malinninnissamat akisussaavoq. Suleriaatsit minnerpaamik makkuninnga imaqaassapput:

- Pinnguaatini aaqqissuussani tamani immikkoortunik tamanik aamma nalunaarsukkanik nassiussinernik nakkutilliinernik akuersissummik piginnittoq qulakkeerissaaq, tassunga ilanngullugit nalunaarsukkat ingerlaarfii, nalunaarsukkat ataatsimoortut, attaveqaatit, SAFE, RNG, pinnguaatini aaqqissuussinerit il.il. (aamma peqataasumi allami ilanngunneqartumi immikkoortut aamma nalunaarsukkanik nassiussinerit), tatiginartuuneri pissarsiarineqarsinnaanerilu qulakkeerniarlugit.
- Akuersissummik piginnittup nalunaarsukkanik annaasaqarnissaq illuatungilerniarlugi sillimaniarnermi immiussanik aamma toqqorsinermi suleriaatsinik qulakkeerissaaq.
- Akuersissummik piginnittoq ISO 27001 naapertorlugi isumannaatsumik qajannaatsumillu ingerlatsinissaq pillugu aserfallatsaaliinermi sillimaniarnermilu suleriaatsinik qulakkeerissaaq.

Akuersissummik piginnittoq pinnguaatit pillugit inatsimmi siunertaq aamma Spillemyndighedip piunasaqaataanut naapertuuttumik tunisassiaminik neqerooruteqarneranut naleqqiullugu tulluurtumik aaqqissugaallunilu naammattunik sulisoqassaaq.

Akuersissummik tunniussineq pillugu inatsisimmi piunasarineqartut inissisimanerit sulisunullu tunngasutigut piunasaqaatit saniatigut akuersissummik piginnittoq aaqqissuusaanikkut inissisimanerit uku minnerpaamik pilersissavai:

- Pinnguaatinut softwarenut aamma pinnguaatinik ingerlatsinermut akisussaaneq, tassunga ilanngullugit pinnguaatit tamarmik akuersissummik piginnittumi taassumalu suleqatigisinnaasaani eqqortumik tatiginartumillu kukkuneqanngitsumik salloqittaangitsumillu aaqqissuunneqarnerisa ingerlanneqarnerisalu qulakkeerneqarneri.
- Qarasaasiat isumannaatsuunerinut akisussaaneq, tassunga ilanngullugit akuersissummik piginnittumit (aamma akuersissummik piginnittup suleqatigisinnaasanit) atorneqartut qarasaasianik hardwaret, softwaret attaveqaatillu tamarmik isumannaallisaaanikkut illersorneqarsinnaasumik ingerlanneqarnerisa qulakkeerneqarneri.
- Aaqqissuussinernik allannguinerit akisussaaneq, tak. aaqqissuussinernik allanngortitsinerni aqutsineq pillugu Spillemyndighedip aaqqissuussinera.
- Aningaasaqarnermut akisussaaneq, tassunga ilanngullugit aningaasanoornermi akiliutaasunit tamarmiusunit eqqortunik annertussuseqartunik AKILERAARTARFIUP tamatigut tiguisarnerata qulakkeerneqarnera.

Akuersissummik piginnittup immikkoortuni kina akisussaaneq pillugu Spillemyndighedimut paasissutissiissaaq.

Inuit akisussaasut inissisimaffimmik akisussaaffimmillu isumaginnissinnaanermut pisariaqartunik piginnaasaqarlutillu pisariaqartunik misilittagaqassapput. Akuersissummik piginnittup piumasaqaatigineqartunik qulakkeerinissamut aaqqiinernik kiisalu pisariaqartunik allannguinerit naammassineqarnissaannut inuit pisinnaatitaaffeqarneri akuersissummik piginnittup qulakkiissavaa.

Nakkutilliinermut atatillugu inuit akisussaasut toqqaannartumik attaveqarfigineqartussaapput. Inuit taamaattumik immikkoortut pineqartut iluanni Spillemyndighedip piumasaqarfigisinnaasaani paasissutissanik uppernarsaatinillu tamanik tamatigut pissarsisinnaallutillu nassuiaateqarsinnaassapput.